

DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ.

Orthodoxorum Medicorum Patrono.

QUÆSTIO MEDICA\*,

QUOD LIBETARIIS DISPUTATIONIBUS,

manè discutienda, in Scholis Medicorum, die Jovis vigesima tertia mensis  
Januarii, anno Domini M. DCC. LXVI.

M. ANTONIO-NICOLAO GUENAULT, S. Ducis  
DE PENTHIEVRE, Medico ordinario, Doctore Medico, Præsidente.

An febribus malignis alexipharmaca?

I.



UID sit febris maligna meliùs à Medicis intelligitur, quàm ab ullo  
potest explicari; à febribus acutis ingentibus, periculosis & exitia-  
libus etiam meritò distinguitur, malignas enim non esse quascumque  
febres acutas, etiam ingentes & perniciosas nonne testantur inflam-

matoriarum, ardentes, aliarumque plurimarum? Febribus malignis inest quid  
distinctivum labem peculiarem indicans, exactam symptomatum col-  
latione deprehendendum. Nam si adiphora & erratica toto cœlo distent à febris in-  
genio, vel saltem quoad gradum & intensiorem sint febre superiora, malignitatis jure  
arguitur febris. Non enim sola symptomatum magnitudo malignitatem evincit; si fe-  
bris intensitas symptomatis respondeat. Febris itaque maligna ea est in qua deest ana-  
logia symptomatum cum causa, totus in hoc cardo *diagnosæ* vertitur; hoc solo  
signo pathognomonico à cæteris febribus distinguitur hæc larvata ut plurimum ince-  
dens, & nunquam ferè sui similis. Multò verò rariores esse febres malignas ac vulgus  
existimat, intelligit quicumque notas earum distinctivas sedulus indagator simul &  
auctoritates celeberrimorum in praxi virorum consulat. Febris verò maligna (ait  
Sydenhamius, (a) non est omnium dierum morbus, &c. » & paulò superius: » è  
» febribus nonnullæ in malignarum classem vulgò reponuntur, cum indomita symp-  
» tomatum fævitia quæ huic opinioni patrocinari viderur, non à venenosâ morbi in-  
» dole, sed à therapæiâ perperam administratâ proficiscatur ». Hujus verò sunt ordi-  
» nis febres illæ quas dicunt malignas per se, & quæ regimini calidiori, diætæ minus  
» exactæ, præmaturæ purgationi, potui nimis infrequenti, irritabilitati nimis natales  
» suos debent; quæque indicant pulsus contractio, siccitas oris & linguæ, totius cutis  
» ariditas; curantque missiones sanguinis, potus demulcens & refrigerans, medica-  
» menta anodyna. Non benè verò malignitatis nomen usurpant illæ febres, cum malignus  
» solum morbus ille censeretur, (b) » qui adscriptas generi suo apparenti phasæ  
» non peccat; qui solito perniciosiùs & latenter ad judicationem proventus Medicorum  
» spem deludit; analogice congruentibus remediis nullatenus obtemperat, novis ad  
» sui debellationem indigens; qui tandem specialibus propter anomaliam titulis com-  
» prehendi postulat ». Hujus verò labis causas & modum agendi assignare & explicare  
» poterit ille tantum, qui naturæ fidelis observator quibus præsertim æbris vicissitudini-  
» bus ingruant febres malignæ, quibus somitibus alantur, propagentur, qui sint earum  
» effectus, quibus auxiliis retundantur annotabit. His omnibus attentus à miasmatis

(a) Conf.  
epidem. an.  
p. 665.

(b) Vide.  
» Tuelin A.  
» frequentior  
» hodie quàm  
» olim maligna-  
» tatis nomen,  
» p. p. 2. M.  
» Guettard  
» Præside M.  
» Payan.

\* Auctore M. J. A. ROUSSIN DE MONTABOURG, D. M. P.

partim à putredine, partim à veneno quodam occulto, pernicioso, non facile subigendo, nec sibi semper in diversis ægrotantibus simili, sed potius pro ægri temperie modificando pendere deprehendet : quæ miasmata vel in aëre volitantia corpora nostra intimè penetrant, vel ut plurimum in primis viis hospitantia ab iis tanquam officinâ & fomite per universos humores disseminantur, accedente non infrequenter aëris, vel & cæterorum rerum non naturalium noxâ. Eam enim confirmant opinionem tum anni tempestates febrium malignarum grassationi faventes, austrino nempe flante vento, cælo sudo & humido, quæ tempestas potissimum humoribus putredinem, aëri verò noxiam & venenatam qualitatem inducit; tum res aliæ non naturales febribus malignis epidemicis viam sternentes vel occludentes, cibi vel potus impuri, squalor corporis, sordes ædium præsertim in tuguriis suffocantibus quæ non persant ventis scoparii : aër enim stagnando putrescit, exhalantibus inquinatur effluviis, similique tabe inficit animalia. Non parum etiam nostræ sententiæ lucis affundunt varia hujus morbi symptomata anomala, parùm sibi constantia quæ hic proferre longius foret, & è variis auctoribus repeti possunt. Sufficiat adjungere sanguinem floridum sæpius initio apparentem falsâ specie deludere; asservatus enim non coagulatur : unde patet hanc floriditatem, ab alcalinis salibus putrescentium liquidorum quibus dissolvitur obtinere.

## I I.

**Q**UIBUS verò auxiliis tanti morbi immanitatem debellare? Quibus viribus mortis infringere minas, naturamque exhibere triumphantem? An sufficient missiones sanguinis? Venæ sectio non rarò prodest equidem, sæpe verò præsertim repetita nocet : nec morbum directè sed per accidens levat, plethoram minuendo quæ multoties præsens, tum attenuationi obstat tum expulsiõni materiæ morbigificæ. Et si enim hujus pars aliqua cum sanguine exeat, reliqua tamen humoribus penitus permixta eos non minùs inficit. Idque accidit iis qui frequentiori missione sanguinis vires exhauriunt, ut dum natura depurationi impar redditur totam massam sanguinis in sanie putridam convertant. Cruor primò emissus pulcher & floridus apparet, postea verò lividus, putridus, dumquæ camarinam movere credunt & fomitem morbi tollere, ægrotantis spiritum educunt cum latice sanioso. An sat erunt emetica & cathartica? Egregio quidem cum successu adhibentur, nec unquam omittenda : bilis enim in febribus malignis maximè prædominat, (a) & in cadaveribus hominum hoc morbo defunctorum sæpe invenit, tum est vesicam felleam, ductus biliaris, canalem choleodochum, duodenum bile infarciri viridi vel atrâ, quæ nisi foras eliminetur, ad sanguinem delata nervos irritat, crasim sanguinis destruit, omniaquæ corrodit veneni ad instar. Id insuper adest utilitatis vomitorio, quod dum eo lancinatur ventriculus, proretur & cerebrum, communique quassatu utrumque viscus expurgetur; quin & sæpè magna pars fomitis morbi saburra nempe acris putrescens expellatur. Verùm enim verò in febribus malignis adest quid singulare; adsunt scilicet miasmata tum putridæ tum venenatæ & abditæ indolis universis humoribus permixta, ut superius dictum fuit. Ipsa symptomatum anomalia aliâ eundem esse ac trita in omnibus febribus viâ nos docet, sanguis ut ita dicam depauperatus spiritus putredinis alexiterios postulat, ulterior debet præpediri putredo, miasmata verò tum putrida tum venenata emendari, evacuari : his verò omnibus indicationibus variâ satisfaciunt alexipharmaca.

## I I I.

**D**UPLEX potissimum genus est alexipharmacorum, alia enim fixioris & acidæ sunt indolis, alia volatilioris, spirituosioris & aromaticæ, ad quam familiam referri possunt camphorata, & ipsa camphora singularis licet speciei. Maximas verò utilitates sicut affert utrumque genus, & in diversis febribus malignis modo hoc modo illud felicissimè usurpatur. Ubi enim prædominat putredo venenataque miasmata magna activitate prædita videntur, quod vividioribus symptomatis, pulsu aëriori, vel cutis ardore, delirio convulsivis cognoscitur, optimè tunc indicantur

(a) Huxam,  
Essai sur les  
fièvres, p.  
137.

acida; veteresque ipsi Hippocrates & Dioscorides, nihil in his casibus suâ poscâ vel oxycrato commendatiùs habuerunt, admixto præsertim melle. Inter recentiores verò plurimos annumerare possem, ex quibus verò excerptare lubet » (a) Hoffmannum de usu acidorum in febribus malignis, & Gualtherum de Harris de methodo quam Tur- » cæ in pestis curatione observare solent » (b), si verò minor vel saltem minus activa appareat putredo, venenumquæ malignum fixioris sit indolis viresque opprimere videatur, quod indicant pulsus debilis & ad tactum vix apparens, extremitates frigida, debilitas summa, somnolentia, non comitante tamen ardoris interni sensu, optimo tunc successu dantur alexipharmaca aromatica, camphorata: quæ pollut enim volatilitate & subtilitate, ultima penetrant capillaria, nervos ipsos subeunt canales, poros ob- structos referant, solida nervoso-musculo-membranacea ad vegetiores contractiones excitant, materiam peccantem crassam, viscidam acrem, plus minusve corruptam ac putridam, per universam humorum massam disseminatam, quin & tubulis capillaribus impactam resolvunt & per corporis peripheriam dissipant, vegetum denique benignumque calorem & motum restitunt. Nulla verò tutius & placidius quàm camphora, cum vix humores accendat, sed potius singulare refrigerium ab humorum circuitu libero oriundum aliquando præbeat, cui proximis occupant honores radices serpentaria virginianæ, angelicæ, carlinæ. Optimo etiam quin & tutiori successu acida miscentur aromaticis, tum quòd non semper perspicuè intelligatur quibus prior locus sit alexipharmacis, tum quòd se invicem corrigant, quin & junctis viribus morbum debellant. In febribus enim malignis crasis humorum servanda, vel etiam restituenda, ulterior sistenda corruptio, miasmatum verò discussioni & perspirationi favendum. Duabus primis indicationibus acida subastringentia satisfaciunt, ulteriori verò aromatica. Hæc usus fuit felicissimè methodo (c) (Huxamius), qui camphoram ipsam cum aceto maximè commendat.

(a) Observ. Physic. Chim. 185.

(b) Traité de Médec. Int. p. 80.

(c) Essai sur les fièvres.

#### IV.

**A** PAGE verò arcanorum venditores, specificorumque & magnificorum alexipharmacorum decantatores, qui lapides pretiosos, margaritas, aurum ipsum, lapides bezoardicos, ossa de corde cervi magno pretio quæcunque empta ægotantibus offerunt; esto plebem ignaram avidum genus auricularum decipiant, non certè Medicos peritos deludent. Optima alexipharmaca sumptu mediocri parare quisque potest. Ex acidorum enim familiâ sufficient succi citri, limoniorum, grossulariæ, berberidis, spiritus salis marini & vitrioli aquâ dulcificati, acetum ipsum quod vile licet & commune miros præstat effectus, teste ipso (a) (Boerhaavio). Nec mirum cum ejus sal acidum temperent copiosum phlegma & oleum, penetrabilitatem verò augeat spiritus vinosus ei admixtus, quibus mediantibus remotissima pervadit capillaria, potentissimè & absque acrimoniâ abstergit, spirituum motus inordinatos compescit, nervorum irritationi medetur. Ex observationibus patet febres anomalis symptomatis stipatas, & morem affectantes illarum febrium quas dicunt malignas per se, & quæ nimie siccitati & irritationi originem debent, epoto copioso oxycrato omnia malignitatis signa deposuisse. Inter spirituosas verò & aromatica alexipharmaca primum certè locum obtinet camphora prudenti dosi, & debitis cautelis exhibita; succedunt variæ plantæ ex quibus camphora peculiari encheiresi obtineri potest radix serpentaria virginianæ, heuëni, rosmarina, majorana, hisopus, thymus, serpillus, origanum; quin & aliæ radices zingiberis v. g. zedoariæ, angelicæ, imperatoricæ, carlinæ, quæ apud varios auctores maximè commendantur: ex quibus infusa, decocta, extracta, conservæ pro Medici nutu morbiq; necessitate parari possunt. Medium verò quasi locum acida inter & volatilia aromatica obtinent vina varia, quorum usum licet nonnulli in morbis omnibus reformident, nihilominus à multis præsertim in febribus malignis magnis encomiis extolluntur: ut videre est apud, (b) Hoffmannum, (c) Pringium, (d) Potherium, (e) Huxamium. Vina quædam ad acidam magis vergunt indolem ut vina rhenana, alba gallica; alia plus ad spirituosam & phlogisticam ut hispanica, rubra

(a) Boerhaave Chim. Tom. 2. pag. 132.

(b) Observ. Physic. Chim. differt. de vini theu. præf. caps. VI.

(c) Observation sur les Armes. Tom. II. pag. 74.

(d) De febribus, lib. 2. cap. 28.

(e) Essai sur les Fièvres, p. 151.

4

& generosa v. g. vina dicta, de *Alicante*, ex quibus eligenda sunt convenientiora. Prudenter verò semper usurpari debent, aliquid tamen sæpe dando consuetudini & appetitui ægotantis.

V.

**A**ST, clamitant nonnulli, plurimæ febres malignæ absquæ alexipharmacorum usu sanantur! Sed ut hic omittamus vina emetica, serum lactis stibiatum quæ tanto cum successu in febribus malignis quandoque adhibentur, non tam emeticorum quàm alexipharmacorum vices sæpius gerere; norunt enim Medici emetica & cathartica parci dosi, vel stomacho minùs mobili exhibita alterantia quin & diaphoretica fieri. Ut hoc, inquam, omittamus, annè verè semper constat de febris malignitate? Cum ubique usurpetur hoc vocabulum, morbisque ferè omnibus symptomatis gravibus stipatis temerè adscribatur. Non soli verò morbi multùm periculi minitantes nomen illud sortiti sunt, sed & ægritudines variæ quibus laborat multitudo à medicantibus & agyrtis eam invisentibus malignitatis accusantur insontes, ut populo hiante medelæ uberius pretium, sanationis fama major, lethi verò minor ignominia redundet. Hanc totam decipientium & deceptorum turbam ad veritatem reducere nec possibile, nec quisquam ut credimus sperat. Solorum Medicorum est, & arte versatorum virorum morbos malignos sagaci discernere oculo; non nubem pro Junone amplecti, non ægotantibus facere lucum eos docuit scientia, experientia, probitas. Quæ verò excellentibus viris suppeti notitia, qualis accendi poterit fax viæ directrix asperæ; hic certè non temerè nec inutiliter ea proponitur sententia, cui propagandæ præsentia affulgent sidera omnia certissima, experimenta benè multa, ratiocinia, eruditorum plurimorum præceptiones. Hanc maturè perpendant adversarii, bonâque fide meminerint non in omnibus morbis eadem viâ eundum esse; nec cunctis febribus sanandis sufficere venæ sectionem, emetica, cathartica, ptisanas vulgares: hujus autem sunt generis febres malignæ, & certè eò potiori jure quòd à cæteris plus recedant. Et si, quod non infici potest remediis mox laudatis multoties cesserint, nihilominus fateantur celeritùs & jucundius methodo hic proposita debellari, profligari. Itaque concludendum:

*Ergo febribus malignis alexipharmaca.*

### DOMINI DOCTORES DISPUTATURI.

*M. Carolus SALLIN.*

*M. Nicolaus JEANROY.*

*M. Antonius CASAMAJOR,  
Censor Regius.*

*M. Simon VACHER.*

*M. Augustinus ROUX, Regia  
Societatis Rei Agraria,  
necnon Regia Scientiarum  
Academiae Turdigalensis So-  
cius.*

*M. Raymondus DE LA  
RIVIERE.*

*M. Cosma - Augustinus  
LEZURIER.*

*M. Achilles - Guillemus LE  
BEGUE de PRESLE,  
Eques & Censor Regius.*

*M. Ludovicus - Petrus LE  
HOC.*

Proponebat Parisiis CAROLUS-NICOLAUS d'ESLON, Tullensis;  
Doctor Pontimuffanus, Serenissimi Principis Comitum regnantis Limburgii Con-  
siliarius Medicus, necnon Saluberrimæ Facultatis Medicinæ Parisiensis Baccalaureus,  
A. R. S. H. 1766. A SEXTA AD MERIDIEM.

Typis QUILLAU, Universitatis & Facultatis Medicinæ Typographi. 1766.